

## Ende gut, alles gut

Was weider si no zuitragn hat  
bei d´Schricker Jacher und bein Jagn  
i sa g engs kurz, d´Jagd geht ihrn Gang  
am Feld und auf da Wirtshausbank.  
Heunt sitzn schon dö Kinekiner  
auf d´nämling Platz, Ghorschamsterdiener  
wo d´Ähnl ghockt sand i da Pfarr  
vor, sa ma halt, vor fuchzg, sechzg Jahr.  
I fuchzg - sechzg Jahr, dös wißt´s ja eh,  
tuit uns da a koan Boan mehr weh´!

Wengden braucht´s gar nit trauri sein  
seid´s lusti, lacht´s und schenkt´s eng ein.  
Vodirbt´s koan Gspoaß, vudirbt´s koan Hetz,  
und wann´s a oft lateinisch redt´s  
so sagt´s und tuit´s eng nit lang bsinna:  
A Jacher muiß lateinisch kinna.